



MAFUTAGA AOA O TINĀ
EKALESIA FA'APOTOPOTOGA KERISIANO I AMERIKA SAMOA

(684) 699-5140; EMAIL: mftelkas@yahoo.com
P.O. BOX 4309, PAGOPAGO AMERICAN SAMOA 96799



Ta'ita'ifono: *Fa'afouina T. Autele, FFT*
Sui Ta'ita'ifono: *La'ia T. Fa'aleaga, FFT*

Failautusi: *Simoa Saifoloi-Asiata, FFS*
Teutupe: *Taua Niualama Taifane, TTK*

Luni 01, 2020

Afioga i Faletua o Toeaiina ma Fa'afeagaiga,
Mamalu i Mafutaga a Tinā i Matagaluega, Pulega ma Aulotu
Ekalesia Fa'apopotoga Kerisiano i Amerika Samoa

Afioga e,

I le suafa manumalo o lo tatou Alii o Iesu Keriso, e fa'atalofa ma ofo alofa atu ai i le paia o le Mafutaga Aoa o Tinā; Faletua o Toeai'ina ma Fa'afeagaiga, Faletua o Toeai'ina ma Faifeau Penisione, Faletua o Faifeau ma A'oa'o, afioga i Tama'ita'i Tiakono, Faletua o Tiakono, Tinā matutua, Tinā ma Tama'ita'i e o'o lava i fanau teine. Fa'amālō le fai o le faiva i lou tou soifua punonou i tiute ma galuega fitā, aemaise lava o le tautuaina o le feau ma le galuega a le Atua e ala i lana Ekalesia paia. Faafetai le tauata'i ma le onosa'i faamālō le tautua lelei. Ia i le Atua pea le viiga i galuega matagofie uma ua tatou aoga ai mo Ia.

Ua lē o toe po malaē i le fa'ama'i mata'utia o le COVID-19 ma ona a'afiaga ua fa'atauaofia uma ai le lalolagi atoa. Ma o le lē fa'ataunu'uina o le Fono Tele a le Ekalesia Aoa o le 2020 e pei ona masani ai, o le tofā poto na a'e i finagalo o Tamā o le Ekalesia e tali atu ai i le mata'utia o a'afiaga o le coronavirus.

Le paia e o le Mafutaga a Tinā i lona Aoa o, o lea ua taoto le finagalo o tamā o le Ekalesia e tusa ma lana Fono Tele o le 2020. E leai foi se tasi o i tatou na te fesiligaina le atamai ma le loloto o le fa'autautaga ua faataoto mai. Fa'afetai le tofā alofa moni ina ia soifua saogalemu le Ekalesia paia a le Atua.

Ae se pagā lea le mamalu e o le Mafutaga Aoa o Tinā, e ui lava ina ua tolopō le Fono Tele i le 2021, ae lē mafai ona taofia ai a tatou matafaioi masani, o tiute a le Mafutaga Aoa e tatau ona fa'aaauaina pea. O lea matou te sōsō atu ai ma le agaga maulalo ma le fa'aaloalo tele i lou tou paia, ua i ai se manatu vaivai i le Ta'ita'ifono ma le Laulaufono ina ia fa'ataunu'uina pea a tatou lafoga e pei ona masani ai i tausaga fa'a-fono. Silasila foi le paia e o le Mafutaga Aoa o Tinā, o le Paketi mo galuega o le 2021-2022 e tatau ona fa'atulagaina auā ana galuega masani e aofia ai:


- E tatau ona totogi a tatou pili o le ASPA, ASTCA
- E tatau ona i ai se tupe fa'aagaaga mo mea fia fa'aleleia o le aoga
- E tatau ona i ai se tupe fa'aagaaga mo mea e tutupu fa'afuase'i
- E tatau foi ona i ai se tupe fa'aleoleo mo totogi o faiaoga

Mo lou tou silafia: O lafoga sa faamoemoeina mo le Fono Tele 2020 o le a taumafai pea e aoina mai i totonu. O le faamoemoe ia o'o atu i le masina o Iulai ua maopoopo uma mai e pei ona faia i tausaga fa'a-fono. Ma o lona fa'atulagaina lea e pei ona tatou sau ai:

1.	Faletua o Faifeau Toeaina:	\$ 200.00
2.	Faletua o Tiakono Toeaina	\$ 200.00
3.	Faletua o Faifeau Tausi nu'u	\$ 100.00
4.	Faletua o Faifeau Penisone/Faifeau nofoaiga	\$ 50.00
5.	Faletua A'oa'o Kanana Fou/A'oa'o Fesoasoani	\$ 50.00
6.	Faletua o Tiakono/Tama'ita'i Tiakono	\$ 20.00
7.	Tinā Ekalesia/Fanau Teine	\$ 10.00

Tau ina ia fa'amanuia e le Atua le soifua o le Mafutaga Aoao a Tinā e amata mai i ona ta'ita'i se'ia o'o lava i a tatou fanau teine. Ia saogalemu ma malu puipuia pea lo outou soifua ma si o matou ola i Aao alofa o le Atua a'o tatou o i ai i nei vaitau lē faigofie o le olaga. Tatou feso'ota'i pea i le mea lilo e ala i talosaga.

Faia ma le faaaloalo tele,

for 

Fa'afouina T. Autele. FFT

Ta'ita'ifono Mafutaga Aoao a Tinā